

ՏԻՐԱՆԻ ԿՅԱՆՔԸ ԵՎ ՄԱՏԵՆԱԳՐՈՒԹՅՈՒՆԸ

(X—XI դդ.)

Կ. Հ. ՍՈՒՔԻԱՍՅԱՆ

Տիրան մատենագրի մասին տեղեկություններ են հաղորդում պատմիչներ Արիստակես Լաստիվերցին և Մատթեոս Ուռհայեցին: Արիստակես Լաստիվերցին Գագիկ I Բագրատունի արքայի (989—1020 թթ.) և Սարգիս Ա Սևանեցի կաթողիկոսի (992—1019 թթ.) գահակալության տարիներին հայ իրականության մեջ տեղի ունեցած քաղաքական և մշակութային իրողությունների մասին խոսելիս գրում է. «Եւ էին յայնմ ժամանակի վարդապետք՝ Սարգիս և Տիրան անուն և Յենովք, որ կաթողիկոսարանին էին վարդապետք, և... այլք բազումք, յորոց ատուրս բարձրանայր յոյժ եղջիւր եկեղեցւոյ ուղղափառ խոստովանութեամբ: Իսկ որք խէթ աչօք հայէին ի մեզ, ի սոցա վարդապետական հանդիսիցն կորակնեալք իբրև զմկունս ի ծակս որմոց սողոսկեալ մտանէին»¹: Պատմիչի հաղորդած տեղեկությունից իմացվում է, որ Տիրանը, ի թիվս Սարգսի և Ենովքի, կաթողիկոսարանի վարդապետ էր: Այդ ժամանակ կաթողիկոսարանը գտնվում էր Անի մայրաքաղաքում: Այս մասին Մ. Օրմանյանը գրում է. «Սարգիս կրցած է ընտրութենէն և օծումէն ետքը այլևս Արգինա շրջանալ, և մնալ Անի, Գագիկի մոտ»²: Անիում Տիրանը հանդես է եկել դավաճանաբանական պայքարի ճակատում: Մատթեոս Ուռհայեցին Գագիկ I Բագրատունու ժամանակի նշանավոր վարդապետներին հիշելիս նշում է նաև Տիրան Կապանեցի իմաստասերին. «Եւ փառաւորեցաւ անունն Գագկայ ընդ ամենայն վարդապետաց տանն հայոց, որք երևեցան յայնմ ժամանակին լուսաւորք, և այս են անուանք վարդապետացն՝ Տիրանն Կապանեցին, Անանէ և Գրիգոր Նարեկացիքն... և այլք այսպիսիք այնպիսիք, որք կային լցեալք աստուածային շնորհօքն, որք երևեցան յաշխարհս Հայոց յայսմ ժամանակիս»³: Ինչպես տեսնում ենք, Մատթեոս Ուռհայեցին ևս X դարի երկրորդ կեսի և XI դարի առաջին կեսի հայ մատենագրության ու մշակույթի ակնառու դեմքերի թվում հիշում է Տիրանին իբրև «աստուածային շնորհօք լցեալ, անյաղթ իմաստասէր»:

Բանասիրական գրականության մեջ կարծիք կա այն մասին, թե Տիրան մատենագիր և Տիրան Կապանեցին միևնույն անձն են⁴: Տիրան մատենագիրն հայագիտության մեջ անդրադարձել են Ա. Մխիթարյանցը⁵, Գ. Տեր-Մկրտչյանը⁶, Դ. Զարբհանալյանը⁷, Մ. Օրմանյանը⁸, Ֆ. Մակիլերը⁹, Հ. Աճառյանը¹⁰, Ա. Մնացականյանը¹¹:

¹ «Պատմութիւն Արիստակիսի Լաստիվերցւոյ», աշխատասիրությամբ Կ. Ն. Յուզբաշյանի. Երևան, 1963, էջ 26:

² Մ ա դ ա ր ի ա Օ Ր մ ա ն յ ա ն. Ազգապատում. Բեյրութ, 1959, § 302:

³ Մ ա տ թ է ո ս Ու ռ հ ա յ ե ջ ի. Ժամանակագրութիւն. Վաղարշապատ, 1898, էջ 179:

⁴ Մ. Օ Ր մ ա ն յ ա ն. Ազգապատում, § 875: Հ. Ա ճ ա ո յ ա ն. Հայոց անձնանունների բառարան. Կ. Ն, Երևան, 1962, էջ 157—158:

⁵ «Արարատ». 1876, Գ, էջ 93—96:

⁶ Գ. Տ Ե Ր-Մ կ Ր տ չ յ ա ն. Հայկականք (Ա—ԺԲ). Վաղարշապատ, 1894, էջ 21—26:

⁷ Գ. Զ ա Ր Ր հ ա ն ա լ յ ա ն. Հայկական հին դպրութիւն. Վենետիկ, 1897, էջ 793—794:

⁸ Մ. Օ Ր մ ա ն յ ա ն. Ազգապատում. § 816, 850, 875:

⁹ «Revue des études Arméniennes». T. 2, Paris, 1922, p. 248.

¹⁰ Հ. Ա ճ ա ո յ ա ն. Հայոց անձնանունների բառարան. Կ. Ն, էջ 157—158:

¹¹ Ա. Մ ն ա ց ա կ ա ն յ ա ն. Աղվանից աշխարհի գրականության հարցերի շուրջ. Երևան, 1966, էջ 204—210:

Ձևագրերում Տիրանի անվամբ առկա են հետևյալ խորագրերով գրվածքները՝ «Ի հաւատոյ թղթէն Տիրանայ Հայոց վարդապետի, զոր գրեաց առ Սենեքերիմ արքայ» և «Տիրանայ Հայոց վարդապետի պատասխանիք հարցմանց թագաւորացն Աղուանից Ատրնէրսեհի և Փիպէի»։ Նրա երկերի վերնագրերից իմացվում է, որ «Թուղթը» ուղղված է Սենեքերիմ արքային, իսկ «Պատասխանիքը»՝ Աղվանից թագավորներ Ատրնէրսեհին և Փիպէին։ Արդեն որոշ է, որ Տիրանն ապրել և ստեղծագործել է X դարի վերջերին և XI դարի սկզբներին, ուրեմն և նրա հետ մատենագրական խնդիրներով առնչված պատմական անձանց՝ հիշյալ երեք թագավորներին էլ պետք է որոնենք նշված ժամանակահատվածը ներկայացնող աղբյուրներում և համապատասխան հետազոտությունների մեջ։ 2. Աճառյանը Սենեքերիմի մասին, որ ապրել է X—XI դդ. գրում է. «Սենեքերիմ, որ և Հովհաննէս, որդի Իշխան-Սևադայի, թագավոր Փառսոսի (1003 թ.)»¹²։

2. Աճառյանը հիմք է ընդունել պատմիչներ Մովսէս Կաղանկատվացու և Ստեփանոս Տարոնեցու հաղորդած տվյալները։ Մովսէս Կաղանկատվացին, որի երկասիրությունն ավարտվում է X դարի վերջի անցուղարձերի նկարագրությամբ, «Տոհմերի ժառանգական հաջորդականության համառոտ թվարկումը» վերնագրի տակ Աղվանից վերջին թագավորի մասին գրում է. «Գրիգորը սերում է Սևադային որը Իշխան անունով էր կոչվում, և Ատրնէրսեհին Իշխան անունովը սերում է շորս զավակ՝ Հովհաննէս, Գրիգոր, Ատրնէրսեհ և Փիլիպե։ Բարձրալի աջը Հովհաննէսին ընտրեց, որը և Սենեքերիմ կոչվեց, բարձրացնելով թագավորական գահ»¹³։ Ստեփանոս Տարոնեցին «Յաղագս վճարելոյ մահուամբ իշխանացն Փառսոսոյ» խորագրի տակ, երկասիրության ավարտին գրում է. «Յայսմ ժամանակի, ի ՆԾԲ (1003) թուականին իշխանքն Փառսոսոյ, որ ի Հայկազեան ազանց, բաւեալ մինչև զՍենեքերիմ և ցԳրիգոր՝ սուղառեցան մահուամբ»¹⁴։ Որ Աղվանից Սենեքերիմ և Գրիգոր իշխանավորները եղբայրներ են այդ մասին վկայված է ինչպէս «Աղվանից աշխարհի պատմութեան» մեջ, այնպէս էլ Ասողիկի կողմից. «Իսկ մայր թագաւորին Աբասայ, բարեպաշտուհի ի բարեպաշտ ծնողաց, որ էր քոյր թագաւորացն Փառսոսոյ Սենեքերիմայ և Գրիգորի»¹⁵։

Ինչպէս տեսնում ենք, Տիրան մատենագրի «Թուղթը» ուղղված է Աղվանից թագավոր, հայազն Սենեքերիմին, որը գործել է X դարի վերջին և XI դարի սկզբին։ Նա որդին է Իշխան-Սևադայի, իսկ եղբայրներն են Գրիգորը, Ատրնէրսեհն ու Փիլիպեն։ Վերջին երկուսին էլ ուղղված է Տիրանի «Պատասխանիքը»։ 2. Աճառյանը, հիմք ընդունելով «Աղվանից աշխարհի պատմությունը», Ատրնէրսեհ անվան զիմաց գրում է. «Որդի Իշխան-Սևադայի, թոռնորդի Սահակ-Սևադայի, որ Աշոտ Երկաթի աներն էր»¹⁶։ Փիլիպե անվան զիմաց կարդում ենք. «Որդի Իշխան-Սևադայի և թոռնորդի Սահակ-Սևադայի՝ աներոյն Աշոտ Երկաթի՝ Թագավորում է Աղվանից զահին. սա և Ատրնէրսեհ Երկորդը զիմել են Տիրան վարդապետին և ստացել զրավոր պատասխան»¹⁷։ Այգպէս, Տիրան մատենագիրը X դարի վերջին և XI դարի սկզբին եղել է Անիում կաթողիկոսարանի վարդապետ, որի համար և հորջորջվել է «Հայոց վարդապետ աստուածային շնորհօք լցեալ, անլաղթ իմաստասէր»։ Իր գիտական-աստվածաբանական պատրաստվածության շնորհիվ հեղինակություն է ձեռք բերել և ծնունդով Կապանից է։ Աղվանից հայազն իշխանավոր եղբայրներ Սենեքերի-

12 2. Աճառյան. Հայոց անձնանունների բառարան. հ. Դ, Երևան, 1943, էջ 478, § 5:

13 Մովսէս Կաղանկատվացի. Պատմություն Աղվանից աշխարհի, թարգմանությունը, առաջաբանը և ծանոթագրությունները Վարազ Առաքելյանի. Երևան, 1969, էջ 267:

14 «Ստեփանոսի Տարոնեցույ Ասողկան Պատմութիւն տիեզերական». Ս. Պետերբուրգ, 1883, էջ 283:

15 Նույն տեղում, էջ 158:

16 2. Աճառյան. Հայոց անձնանունների բառարան. հ. Ա, Երևան, 1942, էջ 263, § 16:

17 Նույն տեղում, հ. Ե, էջ 202, § 5:

մը, իսկ այնուհետև Ատրնեբսեհն ու Փիլիպեն դիմել են Տիրանին և ստացել նրանից «Թուղթն» ու «Պատասխանիքը»:

Իսկ որո՞նք են Տիրանի այս երկերի ստեղծման պատմական պատճառները: Մ. Աբեղյանը, խոսելով դավանաբանական պայքարի գրականության մասին, հայտնում է, որ տակավին Մ դարից սկսած «հայերի համար դավանության խնդիրն ստանում է ազգային քաղաքական նշանակություն: Հոռոմների ազդեցությունից զերծ մնալու և աղգային միությունը պահպանելու համար՝ պետք էր դավանապես զատվել նրանցից»¹⁸: Քաղկեդոնականության վերաբերյալ վեճերը և նույնիսկ հալածանքները քաղկեդոնականների կողմից, անհատնում շարքով իրար են հաջորդել Բյուզանդական կայսրության գոյության ընթացքում: Դա առաջ է բերել ընդարձակ դավանաբանական գրականություն հայ մատենագրության մեջ, որի նմուշներից է Տիրանի «Հաւատոյ թուղթը»՝ առաքված Սենեքերիմ Աղվանից արքային: Այս թղթի հատվածները հետագայում մտել են մի ժողովածուի մեջ, որի ընդօրինակությունները մեզ են հասել «Արմատ հաւատոյ» խորագրով: Հայագիտության արդեն իսկ հայտնի է, որ Վարդան Այգեկցին 1205 թ. Հռոմկալում կազմել է հիշյալ «Արմատ հաւատոյ» ժողովածուն, որի օրինակներից ամենալրիվը Մաշտոցի անվան Մատենադարանի № 3295 ձեռագիրն է¹⁹: Վալդան Այգեկցու այդ երկը հիմնականում օտար և հայ հեղինակներից բերված վկայությունների ժողովածու է, որի նպատակն է պաշտպանել հայոց ավանդական դավանանքը հակաքաղկեդոնական ուղղությամբ: «Արմատ հաւատոյ» երկում ընդգրկված է հսկայական քանակությամբ նյութ՝ առաջադրված խնդիրների պաշտպանության համար դիպուկ վկայություններ, հատվածներ հունական, ասորական, լատինական և հայկական մատենագրության հեղինակավոր դեմքերի գործերից: Այս երկը հատվածներ է պարունակում նաև Տիրանի մատենագրի «Հաւատոյ թուղթ առ Սենեքերիմ թագաւորն» գրվածքից: Տիրանի «Հաւատոյ թղթի» հատվածների առկայությունը «Արմատ հաւատոյ» ժողովածուի մեջ ենթադրել է տալիս, որ նա գործուն մասնակցություն է ունեցել դավանաբանական պայքարին: Տիրանը եղել է ճանաչված հեղինակություն, որին դիմել են մի դեպքում Աղվանից արքա Սենեքերիմը, իսկ մյուս դեպքում՝ Աղվանից թագավորներ Ատրնեբսեհը և Փիլիպեն: Վերջիններս երկու հարյուր հարց են ուղղել գիտնական վարդապետ Տիրանին, իսկ նա պատասխանել է: «Հարցմունք և պատասխանիքի» գրական տեսակից հայ մատենագրության մեջ ինքնուրույն և թարգմանական հարյուրավոր նմուշներ կան, որոնց սկզբնավորությունը V—VI դդ. է: Դրանցով հետապնդվել է ուսուցողական նպատակ: Այդ տեսակին է պատկանում նաև Տիրանի «Պատասխանիքը», որի բնագիրը առկա է Մաշտոցի անվան Մատենադարանի վեց ձեռագրերում: Դրանցից հնագույնը XIII դարից է, Կիլիկիայում Հովհաննես արքեպիսկոպոսի պատվերով ընդօրինակված և կրում է 3710 համարը: Տիրանի «Պատասխանիքում» առաջին հերթին նկատելի են X—XI դդ. հայոց մտածողության և աշխարհայացքի մեջ տեղի ունեցած խմորումները, առաջացած փոփոխությունները: Դրա անառարկելի ապացույցներից է 37-րդ (և է) հարցի նյա հետևյալ պատասխանը. «Ոչ երբէք ասացեալ և սահմանեալ արէնսդրութիւն Աստուծոյ ասելով, թէ այսոքիկ քեզ պիղծ են և սուրբ, այլ իբրև ետես ինքն մարդն ի գազանս և յանասունս զըրկիս և պատառոզս ընկերաց իւրեանց, կարդաց ապա ինքնին մարդն զոմն սուրբ և զոմն պիղծ, և արդ զորս ընտրեաց մարդն ի միտս իւր, զայսոսիկ ի ձեռն Մովսէսի հրամայեաց. այս ինչ քեզ սուրբ եղիցի և այս՝ պիղծ» (հմմտ. Ղևտ., ԺԱ):

«Պատասխանիքում» արծարծված են զանազան բնույթի խնդիրներ. այդ թվում տոմարական, տիեզերագիտական, ավանդապատում, տեղագրական, դիցաբանական, բժշկագիտական (ցուրտ ցավի մասին է), փիլիսոփայական, վերածանության և մեկնաբանական: Տոմարագիտական խնդիրներին են վերաբե-

¹⁸ Մ. Աբեղյան. Երկեր. հ. Դ, Երևան, 1968, էջ 397:

¹⁹ «Բաղմավեպ». 1968, № 7—12, էջ 233—271:

րում առաջին և վեցից ութերորդ պատասխանները, ըստ որոնց բացատրվում է, որ օրվա սկիզբն առավոտն է: Եվ պատճառաբանում է մատենագիրը, թե օրվա սկիզբը ոչ թե խալարով պետք է սկսվի, այլ լույսով, այգաբացով: Իրոք, այդպես է ընդունված եղել հայկական հին տոմարում²⁰, ըստ էության սա միտում էր անդրադառնալու տոմարական ազգային ավանդներին: Հետաքրքրական է իմանալ, որ հայկական հեթանոսական տոմարում օլը հաշվել են այդաբացից՝ լույսի պաշտամունքով՝ պայմանավորված, իսկ քրիստոնեական շրջանում, հրեական և ասորական ազդեցությամբ, ալի մայր մտնելուց սկսած՝ երեկոյից²¹: Տոմարագիտական մյուս պատասխաններում պարզաբանվում են տարվա վերադրի, լուսնի լրման և հարակից այլ հարցեր, որոնց կասկածնությունները շեշտվում է հետևյալ ուշագրավ միտքը. «Ամենայն արարածը ստեղծան վասն մարդուն տեսնան և հաճոյից յաշս նորա»: Տիեզերադիտական բնույթի են 121, 150 և 151-րդ պատասխանները, որ բացատրված են իր ժամանակի արևելյան ժողովուրդների՝ հայերի, արաբների, պարսիկների, տիեզերագիտական ըմբռնումների հետ առնչվող զանազան հարցերի Դրանցում ընդգծվի է հետևյալ միտքը. «Եւ զի դարձաւ արեգակն շոգակայի կամարաւն, զոր պարսիկքն փիլաքս ասեն, յորում կան ամենայն լուսաւորքս հաստատեալ և բեռեալ յաւղս, ի հրամանս Աստուծոյ ամենայնի շրջեցաւ և ո՛չ արեգակն միայն» (հմտ. Յեսու նավեա, Ժ, 12—14): Այն դեպքում, երբ հարցը վերաբերում է խղճի դրսևորմանը, Տիրանը պաշտպանում է խղճի ազատությունը, բունածնելով՝ «Հաւատալ և պաշտել զԱստուած իւրաքանչիւր էամբ և ոչ հարկ» (ճԸ): Ազատականության տեսությունը մեղանում տեղ է դրել դեռևս «Յաճախապատում ճառքում»²²: Ըստ այս տեսության՝ մարդն ի ծնե կամքի, ուրեմն և խղճի, ազատություն ունի և իր գործունեության մեջ կամքով է վարվում²³: Տիրանը ևս հետևողական կողմնակիցն է խղճի ազատության: Տիրանի «Թուղթը» և «Պատասխանիքը» հետաքրքրական ու օգտակար են հալ միջնադարյան մշակույթի զանազան խնդիրներին լուսաբանման համար:

ЖИЗНЬ И ЛИТЕРАТУРНОЕ НАСЛЕДИЕ ТИРАНА

(X—XI вв.)

К. О. СУКНАСЯН

(Резюме)

В древнеармянских рукописях сохранились принадлежащие Тирану трактаты— «Послание о вере» (лучший список—рукопись Матенадарана № 3295) и «Ответы» (лучший список—рукопись Матенадарана № 3710), которые адресованы армянским властителям Алуапика братьям Сенекериму, Атрнерсеху и Филиппу. Тиран родился в Капане, жил и творил в столице Армении Ани. В своих произведениях он откликался на животрепещущие вопросы того времени, участвовал в догматической борьбе на поприще литературы, однако его устремления к новому отразились в его прогрессивных идеях. Тиран был признан современниками в качестве «наставника армян, преисполненного божественной благодати, непобедимого философа». Исследование литературного наследия Тирана способствует освещению различных вопросов, связанных с календароведением, космографией, мифологией, медициной, философией.

²⁰ Հմտ. Ա. Գ. Աբրահամյան. Անանիա Շիրակացու մատենագրությունը. Երևան, 1944, էջ 113: Նաև՝ «Տօմար և տօնացոյց, աշխատասիրեց Դրոս քահանայ Աղանեանց». Էադարշապատ, 1890, էջ 19—22:

²¹ Տե՛ս Մաշտոցի անվ. Մատենադարան, ձեռ. № 1324, էջ 251ա. «Երբայցիք և ասորիք զերեկոյն դնեն սկիզբն աւուր...»:

²² Գրիգոր Լուսավորիչ. Յաճախապատում ճառք. Վենետիկ, 1954, էջ 106:

²³ Նզդիկ Կողբացի. Եղծ՝ Աղանդոց. դիրք առաջին, ԺԱ, Պուլենու Արևես, 1951: